

AGENDRE FEMASO YESU

MINGGU 19 APRIL 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
- SA** : Ya'ami banua Zo'aya, No oi owulo ita oi faondra ba wa'owuawua dödö, me no maoso Zo'aya ya'ita Yesu Keriso moroi ba ngai zi mate. Andrö, ba döi Yesu ma'owai Ami : Ya'ahowu, no maoso Keriso.
- SATO** : Ya'ahowu !
- SA** : Keriso So'aya, no maoso Keriso
- SATO** : Duhu, no maoso Keriso.
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 2**

2. SUNO ZO' AYA SAMATI KHÖNIA

do = c 4/4

MM = hil - 104

1. Suno Zo' aya samati khö- Nia, ae omusoi' ö dödömö wanuno. Wangebua ' ö Fondrege Zalaŵa, suno Zo ' aya.
2. Suno Zo' aya me Ibè mbualala, me Idozigö wame' e si sökhi. Ba no fahöna Ibè ba zamati, suno Zo' aya.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate. HALELUYA.....

SA : **Manunö** : BZ. : 452

HALELUYA....HALEYA.... HALELU... YA.....

- SA** : Mangandrö ita :
He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawä wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Öfaogö ndra'aga ba wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatörö banua si yawa awö danö i'otarai da'e irugi ba zi lö aetu. Yaduhu. **(Mudadao zato)**

3. MANUNÖ moroi ba Mbuku Zinunö Numero 196

196. MÖIDO KHÖU, HE YESU

Lala : Kubalogu Yesu (No. 300)

do = a 4/4

Mm = 96 - 104

1. Möido khö-U, he Yesu, tema ndra ' odo.
Efa ' ö horögu, orifi ndra ' o.
Omasido Yesu, somasi ya' o.
Ohahau dödö- gu na khö - Mö ndra ' o.
2. Möido khö-U, he Yesu, afu Öhaogö.
Si lö omasi' Ö da u' erogö.
Ululu ndra' odo, Ösasai do-Mö.
Afugu ukhamö, wa' auri andrö.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 15:1-6**

1. Me luo da'ö lalau zinunö andre Moze ba Iraono Gizeraëli, wanuno Yehowa, lamane wanunö: "Da'usuno Yehowa, me no salawa sebua ia; kudo ba si fakudo yawa, ba no ituli'ö ba nasi.
2. Fa'abölögu Yehowa ba fanunögu, me no sangorifi ya'odo ia; Lowalangigu ia, andrö usuno ia — Lowalangi namagu andrö, u'ebua'ö duriania.
3. Sabölö ba wanuwö Yehowa andrö; Yehowa döinia.
4. Kureta andrö khö Wara'o ba sabölö andrö khönia, ba no ituli'ö ba nasi, ba nitutuyu andrö, si fasöndra moroi ba gureta yawa, ba no alömö ba nasi zukhu.
5. No ibalugö ira namö nasi; ba dawuyu ahöndrö ira, hulö gara.
6. Si so lakhömi dangau kambölö, ya'ugö, Yehowa, ba wa'abölönia andrö. Tangau kambölö andrö, ya'ugö, Yehowa, ba irasa nemali.

Simanö daroma Li Lowalangi, da tatema'ö faoma sinunö: BZ.Numero 114: 1

114. NO MAOSO YESU SO'AYA¹

do = f 4/4

MM = 96 - 104

1. No maoso Yesu So'aya, lewatö no Iröi.
Umbu wa'auri sa Ia, ba sangorifi göi ba sangorifi göi

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödöma ba daroma Li-Mö me Öwa'ö: " Ya'odo wemaoso ba fa'auri, samati khö-Gu, ba auri, hewa'ae mate ia." Ba hiza, ba lala wa'aurima seroma'ökhö asese ma'ositengagö ba ma'osilö'ögö Ndra'ugö So'aya, me ma'o'önifakhoi dödöma samösa. Bologö dödö-U khöma, ba be'e aefa khöma horöma andrö. Hakhösi dödö-U khöma So'aya, böi tehe tekiko, törötörö tödö-U wa'ebua dödö-U Awö wa'ahakhö dödö-U khöma. Böi bulö'ö ndra'aga moroi ba wa'omasi ba ba Wangorifi andrö si

¹ Note : Nikolaus Herman 1554

- no Öhönagö ba zamati khö-U.....
- SATO** : Mangandrö ba dödö zamösana föna Lowalangi.....1 irugi 2 meniti.
- SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.
- SATO** : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'o, Ya'odo andre zamunu lalöu andrö, börö ndra'o, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....

- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

7. FOMBASO TAROMA LI LOWALANGI NIBASO FÖNA HUHUUO (AB)

- SA** : Fombaso taroma li Lowalangi föna huhuo tehalö moroi ba zura **Luka 1:46-55**

46. Ba imane Maria: ”Isuno Zo'aya tödögu,

47. ba no owuawua dödögu, börö Lowalangi, sangorifi ya'o,

48. me no inehegö wa'anumana genoninia andre. Hiza sa, i'otarai da'e, ba lafahowuhowu'ö ndra'o dozi ma'uwu,

49. me no ebua itolodo sabölö andrö ba ni'amoni'ö döinia.

50. Ba fa'ahakhö dödönia andrö, ba götögötö wa'ara, khöra sangata'ufi ya'ia.

51. No i'oroma'ö wa'abe'e dangania. No ifazaewe zi fayawa ba gera'era dödöra,

52. No itimba zalawa ba dadaomara, ba no ibali'ö salawa zide'ide.

53. Solofo, ba no i'abusoi'ö si sökhi, ba so'ana'a, ba no ifofanö lö öra.

54. No itolo genoninia Izeraëli , ena'ö itörö tödönia wa'ahakhö dödö andrö,

55. si mane niwa'önia khö ndra tuada khö Gaberahamo ba ba ma'uwunia, si lö aetu”.

Ya'ahowu zamondrongo taroma Li Lowalangi ba Same badödö...

- SA+SATO** : Yaduhu

8. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu sifao fangowuloi fasömbata DPS. Ba si föföna ua da tafondrongo Li Lowalangi me imane:

- ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga ni forege; si no aoha gölö fame'e, da'ö sa zomasi Lowalangi. (II Korindro 9:6-7)

Tafa'ema wasömbata khö Lowalangi, manunö ita moroi ba Mbuku Zinunö **Numero 269**

269. KERISO YESU FONDREGE ZI SÖKHI 1

do = es 4/4

MM = 96 – 104

1. Keriso Yesu, fondrege zi sökhi, ba fondregezalaŵa. Ya khö-U dödögu, ba fa' aurigu, irugi ba gamozua.
2. He sökhi haga luu awö mbaŵa, ba döfi ba mbanua. Ba haga Yesu, zabölö sökhi, me ihagaini dödöda.
3. Fefu lakhömi, ba gulidanöda, lö ara ba no taya. Lakhömi Yesu, zi lö tebulö irugi ba gamozua.
4. He na tasöndra wa' omasi niha, lö aro lö göi ara. Ha fa' omasi Yesu Keriso, zi lö tebulö he ara.
5. Haga Zo' aya möi fangorifida, na tatema' ö ia. I' oroma' ö zindruhu lala saekhu ba zorugo yaŵa.

SA :

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu). Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö numero 261

261. YA'E ZUMANGE ²

do = d 4/4

MM = 62 – 68

Ira'alawe

1. Ya' e zumange fa-sömbata, ma' ohe sumange Yehowa.

Iramatua

Reff: Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff: Ma'andrö khö-U

3. Ya'e zumange fasömbata buala si'otarai Nama.

Reff: Ma'andrö khö-U

4. Ya'e zumange fasömbata, boto, noso, ba fa'aurima

Reff: Ma'andrö khö-U

5. Ya'e zumange fasömbata, lö irugi zomasi dödö-U.

Reff: Ma'andrö khö-U

6. Ya'e zumange fasömbata, ma'aohasi gölö Zo'aya.

Reff: Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*) **Mudadao Zato**

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:

Koor ba Vokal Group

- a. Koor Jemaat
- b. Kegiatan Komisi Bapak
- c. Koremda
- d. Kegiatan Sektor 2
- e.

10. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U.

Ubokai dödögu khö-U Yesu nahia daroma li-U.
 Taroma li-Mö lö fa'atebulö menewi ma'ökhö ba si'ogötö'ö lö sa mamalö.
 Taroma li-Mö si möi fangabölö utema'ö soroi ba dödö, tolo ba wolo 'ö.

11. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi *Habakuki / Habakuk 3:10-19 (Tuho: Somuso Tödö khö Yehowa / Bergembira di dalam Tuhan)*
 - Fanuriaigö
 - Nitanö ba dödö. *Habakuki / Habakuk 3:18 (Ba ya'odo, ba somuso tödö zui ndra'odo ba khö Yehowa, owuawua dödögu khö Lowalangi sangorifi ya'o. / Namun aku bersorak-sorak di dalam Tuhan, beria-ria di dalam Allah yang menyelamatkan aku.)*
 - Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

do = es 4/4

MM = 96 - 104

- No mafondrongo li-U, Lowalangi So 'aya.
 Tanö ba dödöma ia, fa böi olifuga.
 Fahowu 'ö ia khöma, ena 'ö ohahau dödöma fefu.
 Heta ba dödö zi lö sökhi, ma'o 'ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 477 Ayati 1-2**

477. OMUSOMUSO DÖDÖ ZAMATI

do = f 4/4

MM = 96 - 104

1. Omuso–muso dödö zamati, me no ae latema mbuala.
Me no mamuala khöra Yesu famalalini era ' era.
2. No motödö niha gulidanö, lö sanörö lala sindruhu.
Sökhi dali zoroma ba hörö, tödö bakha fahöna mbekhu.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **477 ayati 3**
477. OMUSOMUSO DÖDÖ ZAMATI

do = f 4/4

MM = 96 - 104

3. No Iheta ba zogömigömi, no I' ohe ira ba haga.
Ibökö dödö si no mörömörö, Itaba wesu nilau gafökha.

SH : YA'AHOWU

SATO : YA'AHOWU